



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Tractatio Synoptica De Ivdiciis Ad Lib: II. Decretal:
Gregorii IX.**

**Herberstein, Ferdinand von
Tabarelli de Fatis, Donato Vincenzo**

Spirens., 1660

Titulus XII. De Testibus & Attestationibus.

urn:nbn:de:hbz:466:1-11416

quod in specie habet Gl: ad Clementinam
constitutionem in fine de elect: Nos sic statui-
 mus , ubi testium numerus ad solenni-
 tatem pertinet , ut in testamentis septe-
 nariis , non posse juramento suppleri
 idq; propter formæ solennitatem: ut tra-
 dit Lælius. Manc: ad rubr. de prob. dissert: 4. cap.
 16. Sin autem numerus testium solenni-
 tatem nullam habet ; (ut in contradictionibus
 & testamentis ad pias causas, numerus se-
 narius per L. ubi numerus. ff. de testibus) ni-
 hil tunc impedit posse jurejurando sup-
 pleri: sat enim est, ut plenè probetur id
 de quo agitur, nec refert quomodo. Al-
 cap: cum dilectus, de successor: ab intest. quo
 opponi solet, respondet Abb: ad eum ter-
 tum n. 15. Manc: cit. supran: 16..

TITULUS XII.

DE TESTIBVS & ATTESTATIO- nibus.

C A S U S.

SIllus testis contra Pisonem reum
 crimen protulit, quod se de eo au-
 disse dicebat. Pisonis defensor Crat-
 sus

boup

sus, potest, inquit, fieri Sile, ut is, unde te audisse dicis, iratus dixerit. annuente Silo, Crassus iterum: potest etiam fieri, ut tu non recte intellexeris. iterum annuente, subintulit: potest etiam fieri, ut omnino, quod te audisse dicis nunquam audieris. Hoc adeo præter expectationem, ut Silum testem omnium risus obrueret. *Man. lib. 6: apoph.* Quæritur, an Silus à testificando prohiberi potuisset, tanquam non idoneus testis? *Resol.* pete ex num. 1. & 2..

I.

In ter modos negata ab adversario probandi, communissimus est, qui fit per testes, multoq; efficacior, illo qui fit per instrumenta, cum etiam falsitas instrumenti, vel quod deest instrumento per testes probari possit. *cap: cum Ioannes de fine Instr: modusq; hic probandi in omnibus judiciis & causis locum habere potest, tam criminalibus, quam civilibus. cap. in omn: 4. h. t. tam Ecclesiasticis, & spirituali-*

tualibus, quam profanis, *cap. in causis 15. b. t.* tam in prima, quam in secunda instanta *cap. fraternitatis 17. eod.* Dicitur autem testis, qui ad fidem alicuius rei faciendam accersitur, & ut testes probent debent esse idonei, & fide digni, seu ut dicitur omni exceptione maiores *cap. 1. b. t. L. optimam C. de contrahend. & committ. stipulat.* quales sunt quicunque à SS. Canonibus vel legibus expressè non prohibentur.

2. Quidam autem prohibentur generaliter, ob aetatem & judicii infirmitatem, ut sunt furiosi, amentes. *cap 1. b. t. L. 2. b.*
 3. §. *Lege Julia. eod:* quia juramentum, sine quo testi non creditur, praestare nequeunt: ob quam rationem, impuberes cum lex julia nominatim testes esse vetat. *3. ff. de testibus.* Puberis, non vetat: in criminalibus tamen causis speciatim exigannos 20. *L. in testimonium 20. ff. eod:* in vilibus annos 18. quod longè verius est, pubes de iis, quæ impubes vidi testimonium ferat: quia nusquam revera prohibetur: & cum servus factus liber dicere testimonium pro vel contra dominū posset, de iis quæ in servitute existens vidi

notionem 99. in fine ff. de verb. sig. cur non &
 Pupillus factus pubes, de iis, quæ in pupillari ætate videntur? nam quod pupillus omnia ignorare dicatur L. ultim. de jur. & fact. ignor: hoc intelligitur, quoad sui præjudicium, quando ex scientia damnum aliquod ipsi proveniret. Præterea generaliter prohibentur damnati publico iudicio, & à Principe non restituti, item, qui in vinculis custodiâve publicâ fuerunt iudicio publico rei, cit. L. 3. § lege Julia. Surdus, & mutus in testamentis prohibentur. §. testes autem Instit. de Testamen. ordin: An & in iudiciis? Etiam surdus de auditu, cœcus de visu testificari nequit. Cœcitas tamen superveniens non impedit: quandoquidem etiam judicantis officio fungi possit, si illud videns susceperit. L. cœcus ff. de judic:

3. Alii prohibentur ferre testimonium pro certis vel contra certas personas, aut in certis causis duntaxat: sic hæres institutus in testamento testis esse non potest. §. neq; hæres. Instit: de Testam. contra verò legatarius, & fidei commissarius particularis recte in testamento in quo sibi legatum

tum, vel fideicommissum relictum est
tanquam testis de jure communi adhibe-
tur. L. qui testamento. ff. de testam. quia po-
tiùs in causa hæredis, ad quem testamen-
tum principaliter spectat, & non in cau-
sâ propriâ, nisi ex consequenti, & secun-
dario testimonium dicit. Atqui multa
consequenti tolerantur, quæ principi-
ter prohibentur. L. i. ff. de auctoritat. ⁱⁿ
S E D & idonei testes non sunt domèni-
familiares, consanguinei. capit. 24. b.t.
eod: exceptâ causâ matrimoniali, & reli-
gionis. c. videntur nobis. 3. qui matrim. de-
cuss: possint, ut si quæratur, an matrimonio
um ob affinitatem, vel consanguini-
tem contrahi possit, vel non. can: i. 35. q. 3.
Inter domesticos primum locum obti-
nent parentes, liberi, & hi à testimonio ju-
diciali arcentur propter reverentiam, &
affectionem, quæ intercedit. L. perspic-
tum. ii. §. furtæ domestica. ff. de pœnis. ⁱⁿ
super eo 22. b. t. Et hoc ad naturales quo-
que extenditur. Gl: in Parentes 6. C. de pa-
Socer, susceptor, nutrix, pædagogus Pa-
rentum appellatione hac parte non con-
tinentur: sed quoniam, Apostolo teste,
ⁱⁿ

sum ell
 adhibe
 quia po
 stamen
 a in ca
 & secu
 nultas
 incip.
 tat. Int.
 omelias
 f. h. i. S.
 & reli
 trim. di
 rimoni
 guini
 . 35. q.
 n obu
 onio ju
 iam, S
 rspicio
 enus. iq
 es quo
 depau
 gus Pa
 n con
 teste
 fen
 sentent: 15. gratia & necessitudo rei veræ
 testimonium plerumque corruptant,
 quantum eis tribuendum prudens Judex
 facile æstimabit. Deinde Frater in cau
 sa Fratris, & ex Fratribus descendentes:
 & si quidem uterque in eiusdem potesta
 te sit, nulla est dubitatio: sin alter eman
 cipatus, vel uterq; sui juris sit, non idem
 omnes sentiunt. Pleriq; affirmant eman
 cipatum audiendum esse Gl: & DD. in cit:
 L. Parentes. Quod verò Duaren: dome
 sticos latius definit, omnes qui sunt e
 iusdem gentis, familiæ, agnationis, non
 possis probare: satis enim apertè leges
 domesticos non jure cognationis, sed po
 testatis & habitatione æstimant. Cuiac: in
 L. ad testim. 22. ff. qui testam: fac: pos: Po
 stremò Uxor in causâ Mariti, & contra
 Maritus in causâ Uxor's domestici testes
 sunt, quæ meritò etiam ob reverentiam
 & affectionem à testimonio repellitur:
 L. perspiciendum. 11. §. furta domestica de
 pénis: sunt & famuli mercede conducti,
 quamdiu serviunt. cit. §. furta. nec desunt,
 qui colonum adjiciant. Wesenbec: par:de
 testibus. num. 4. Vix puto rectè. Quid
 de

de convictoribus dicendum? sunt qui domesticos definiunt omnes, qui vivunt nobiscum ad unum panem & unum vi-
num ut ipsorum verbis utar. Barthol: in L.
11. §. *furta de furtis*. Bald: in cap: literis de tu-
stibus. Alii verò solus convictus ad repel-
lendum testem sufficere non videtur. Ho-
tom: in L. 2. C. de testibus. Quid de subdi-
tis in causa Principis fui? Accurs: scribi,
non esse testes idoneos: intellige, nisi su-
jurandum subjectionis remittat, aut Prin-
ceps testes alios reperire non possit. Sed
nec solum domus, verum & amicitia, &
inimicitiae iustam præbent repellendi te-
stis causam. L. 5. & 17. Cod: de testib: pre-
fertim si inimicitiae capitales fuerint: si
minus, auditur quidem, sed cum ad di-
sputationem ventum fuerit, adversuseum
de inimicitiis excipitur, nov. 9. cap. 7. Mo-
noch: libr: 1. de arbitr: judic: quest: 28. Si quis
non rogatus surrexerit, an poterit tan-
quam odii, gratiævè suspectus rejici? af-
firmat Donel: de testibus. cap: 4. arg: L. qui
omnia 25. de Procur: Si verò rogatus sur-
gat tametsi non citatus, non poterit pro-
pterea repellli Barth: in L. post legatum. 5. §.
hū v.

hū verò. ff. de his quibus. ut indig. Denique
 à testimonio repelluntur infames infamia
 juris capit. ex parte 7. cap. testimonium
 h. tit. exceptis casibus quibusdam, ut cri-
 mine læsæ Majestatis, hæresis, simoniæ,
 &c. ob gravitatem eorum etiamsi tem-
 pore depositionis sint emendati, nisi eti-
 am restituti sint, ut DD. communiter.
 PORRO an etiam infames infamia fa-
 cti à testimonio arceantur? Negat Cla-
 rus qu: 24. §. fin: quoad ad causas criminale-
 les: in civilibus verò admittit Barth: &
 alij C. de Sum: Trinit: L. 2. ff. de obsequijs præst:
 idq; pro Judicis arbitrio: De jure tamen
 canonico, ne quidem in civili causa hu-
 iusmodi admittendos esse colligunt qui-
 dam ex cap. testimonium ver. aut gravata sit
 eius opinio. Nam licet quidam intelligent
 de causa criminali, id tamen videtur esse
 in civili, ut ibidem notatur. Vide Can: in-
 fames 6. qu. 1. restitutus autem ad famam,
 & honores admittitur. uti Farin: q. 5. n. 79.
 & seqq: I T E R V M Hæretici, Judæi, &
 Pagani, non possunt esse testes contra
 Christianum, & Catholicum. Can: non
 potest. & Can: Pagani: tum ratione odii,
 quo

quo illum persequuntur *can: nonne 1. q. 1.*
 tum, quia non potest erga homines esse
 fidelis, qui *D e o extiterit infidelis. cap. li-*
cet 13. h. t. valeret tamen testificatio Ju-
dæi pro Christiano; quia sicut par affe-
ctio omnem tollit suspicionem, ita & pa-
causa odii: cum contrariorum eadem si-
ratio. Adversus Judæum verò Christi-
nus rectè testimoniū agit. De Iudice, assessori,
executore, advocato, & procuratore me-
ritò dubitari potest, quid eorum testi-
monium operetur. Resp: non posse pro-
duci testes in eâ causâ, de quâ cognove-
runt, aut in quâ patrocinium præstite
runt. L. ult: ff. h. t. cap: fin: eod: in 6. nisi co-
tra quem quis advocatus fuerit, procura-
tor, aut executor petat eum in testimoniū.
Spec: tit: de testib: §. 1. MULIER in testa-
mento testis esse nequit L. 20. §. mulier
qui testam: fac: poss: ne quidem à rustico
confecto, quia licet in eo minutus sit nu-
merus testimoniū, tamen quoad habilitatem
nihil immutatum videtur. Potest tamen
adhiberi testis ad testamentum Militie
stantis & testantis in acie: quia in eo te-
stes non debent esse rogati, & remissa ei-
solen-

solennitas juris civilis, solumq; jus gentium spectatur: quemadmodum & in testamento Patris inter liberos. Gl. in L. hæc consultissima. §. ex imperfecto C. de testam: quia in eo quoq; remissa est solennitas juris, spectatur q; jus gentium. An in codicillis mulier testis esse potest? OMNINO, quia nusquam reperitur prohibitum. secundum Gl. in L. fin: in ver: quinq, C. de codicill. Nec obstat, quod codicilli largo modo veniant appellatione testamenti. Gl. ult: in L. 1. ff. de testam: videanturque esse pars testamenti Gl. in cit: §. mulier: quia non sunt nisi testamentum imperfectum. In aliis verò mulier testis esse potest, non tantum civilibus L. ex eo. 18. ff. h. t. sed etiam criminalibus de jure civili. idq; inde colligere licet, quod legi Julia nominatim ea tantum excipiatur, quæ quæstum palam corpore fecerit L. 3. §. pen: ff: eod: quæque adulterii damnata est. ibid: Ratio verò cur de jure civili in testamēto non admittatur, & tamen causā criminali admittatur, quæ minoris est præjudicij, hæc est, quod testamenta olim fiebant calatis comitiis, in quibus mulieres suffragium non

non habebant. *Laicus contra Clericum*, an & quatenus testificari possit, supra dictum quod non possit: quando agitur criminaliter. per cap. de cætero 24. h. t. quamvis Lopez ad caput 4. pract. criminis decem casus referat, quibus Laico Clericum accusare permittitur; ut hæresis, læsa Majestatis, simoniæ, sacrilegii, notorii minimis &c. *De Monachis Canonicis regulis* aliisque Religiosis vix difficultas est, quin testificari possint: quia licet à negotiis secularibus, officiisq; civilibus, ac forensibus arceantur per cap. Monachi. 16. q. 1. & toto tit. ne *Cler.* vel *Mon:* seculi: neg. non tam men constat arceri à ferendo testimonio & alias neq; in causa Ecclesiæ suæ vel Monasterii testes esse possent, quod falso esse patet ex *Can: super. 14. qu. 2. cap. nups.* 51. h. tit. modo tamen licentia superioris accedat. cap. si *Religiosus cap. si Abbatem de elect: in 6.*

4. Quantum ad productionem testimoniū, & modum producendi. Imprimis auctor, vel reus petit admitti ad probandum, & dari sibi terminum probandi, & producendi testes. *Gail: I. obs: 96.* Deinde ad-

ver-

versario citato & comparente producens
 testes, judici exhibet articulos super quib⁹
 eos producit, & præterea nomina testi-
 um: qui in persona producendi omnino
 sunt in criminalibus: in civilibus aut evo-
 candi ut coram examinentur, vel in aliâ
 provinciâ examinandi L. 3. §. idem ff. de test:
 nisi milites, senes, valetudinarii sint, aut
 cum Magistratu Reipubl: causâ absunt,
 aut alias venire non liceat, aut non absint
 testimonii declinandi causa, aut publica-
 ni fuerint, aut quid præberendum exerci-
 tui conduixerint. L. 3. §. ult. L. 8. & 19. ff. de
 testib. Extra hos evocati sequi debet, sum-
 ptibus tamen producentis: secuti, dies 15.
 expectare, intra quos si interrogati non
 fuerint, impunè eis discedere licet. cit. L. 3.
 Donel: in L. 11. 16. & pen: C. de Testibus. Tum
 si productis testibus adversarius quid ob-
 jicere velit, quod eos à testimonio repel-
 lat, id potest facere cap: ex parte 7. h.t. mo-
 do ante eorum receptionem & examen id
 fiat, alias statim ad dicendum testimoni-
 um admittendi sunt. Sed adversari⁹ si ve-
 lit potest exhibere judici interrogatoria
 sua,

sua, ut vocant super articulis sibi priuise
hibitis, secundum quæ petat à Judice te
stes interrogari & examinari. cap. præsen
tium. §. testes 31. b. t. ut si fortè testes à pro
ducente subornati sint, id Judex infe
quendo interrogatoria adversæ partis
cilius deprehendat. Testibus deinde ad
testimonium dicendum admissis, & tan
partis producentis articulis, quam partis
adversæ interrogatoriis judici exhibitis,
Judex ipse testes receptos examinabit, &
commissarius eius, si ipse commode non
possit. cap. si qui testim 8. b. t. L. Iudices.
C. de fide instrum: si scilicet agatur civiliter
nam in criminalibus hæc commissio per
missa non est. Auth: apud eloquentissimu
C. de fide instr.

5. In ipso verò examinis limine, anti
quam testes testimonium ferant, de manu
dato Judicis, aut substituti eius, juramen
tum deponent de veritate dicendâ, quod
que depositiones suas ante legitimam ex
rum publicationem neutri parti aperient
cap. tuis quæstionibus. 39. b. t. L. jurisjurandi
C. eod: quia testi non jurato minimè cre
ditur, in præjudicium alterius, quisqu

sit præsertim in criminalibus. *cap. tuis questionibus. cap. nuper 51. b. t.* An remittere iusjurandum Judex possit? Nequaquam. Quid si adversarius consentiat? Verius est hoc casu gratiam iurisjurandi fieri posse: cum publicam utilitatem non respiciat, sed solum favorem partis, pro qua testis producitur, itaq; potest remitti: prout ordinariè remittitur personis Illustribus, aut in aliqua dignitate, aut officio publico constitutis. *per tex. in cit. cap. tuis questionibus*, nisi ageretur de præjudicio publico, aut animarum salute, ut in causâ matrimoniali, aut capitali. *Mascard: lib: 1. q: 5. n: 108. Gail: lib. 1. obs: 101.*

6. Interrogatio aut examen testium, an præsentibus litigatoribus fieri debet? Communis est sententia vocâ dos quidem, ut videant jurare testes: examen autem secreto fieri debere. *Farin: q. 62. cap. 1. & qu. 80. n. 92. Hotoman: in L. 12. C. de testibus.* Unde Judex assūptis tam producentis articulis, quam adversæ partis interrogatoriis testes interrogans. I. personas eorum, & conditionem explorare debet: ut cuius ætatis sint, & conditionis, an litiga-

K tores

tores noverint, & quā notitiā vulgaria
 aliā, an uni parti magis faveant, quā al-
 teri, an unius, aut alterius sint consanguinei,
 affines, an ex testimonio suo commo-
 dum, vel incommodum sperent. 2. inter-
 rogabit de tempore, loco, visu, auditu,
 credulitate, scientiā, famā, certitudine,
 aliisq; similibus causæ circumstantiis cap:
cum causam 37. h. t. 3. de ratione & cœla
 sui dicti sive depositionis, aut scientia,
 adeo ut si producentis adversarius in suis
 interrogatoriis id fieri juss erit, & exami-
 nator dolo aut negligentia omiserit, ad
 omne interesse parti adversæ teneatur.
 Panor. in cap. *cum causam 37. h. t.* Sic eti-
 am, si testis interrogatus rationem sui di-
 citi eam non reddiderit, per aliquem ei
 quinq; sensibus, qui negotio, & facto, di-
 quo interrogatur, congruat, depositio
 eius præsertim in criminalibus nullast.
L. solam C. de testib: Si verò reddiderit, sed
 non probabilem, testimonio eius non
 credetur. *cap. præterea 27 h. t.* Fundamen-
 tum doctrinæ huius est: quia ratio in teste
 dat esse eius testimonio & illud salvat, vel
 destruit, & ideo licet dictum eius perle
non

non probet, tamen ratio dicti redditia sufficiens probat: ut si dicat. *Scio, quia vide*
contenta in articulo fieri. Contra verò si dicat. *Scio, quia audivi ab alio,* iam deficit ratio, & fundamentum sui dicti, nec probat; quia testimonium de auditu alieno regulariter nullum est *cap. licet 47. h. tit.*
 Dico de auditu alieno, quia si res auditu perceptibilis sit, & testis de proprio auditu deponat (ut si dicat *Sempronium obligatum esse scio, quia audivi promittentem*) probat: *cap. tam 33. h. t.* debet enim ratio dicti separata esse ab ipso dicto. Et ideo si deponat: *Titium mutuasse scio centum.*
 Sic et pro causa scientiæ dicere debet, *quia videtur* numerare ex causâ mutui: non autem dicere, *quia scio:* nam tunc ratio esset eadem cum dicto, atque ita non probaret.
 NON TENERE tamen testis de rigore reddere causam suæ scientiæ, nisi exprimere, vel implicitè interrogetur *cit: L.*
solam. & ibid: Bald. & colligitur ex *cit: cap.*
cum causam. quia non debet esse verbo-
 sus, nec respondere ad ea, de quibus
 non rogatur. *Felin: in cit: cap: cum causam:*
 praterquam in causis criminalibus, &

ubi agitur de factis, quæ solo judicio intellectus percipiuntur: veluti si testetur aliquem esse sanæ mentis, esse divitem, esse dominum alicuius rei, habere jus decimandi, &c. quod potius judicio intellectus, quam aliquo sensu corporeo percipitur Mascard: *de probat: 1376.* nam in illis etiam non rogatus reddere debet causam scientiæ suæ. Abb: *cap. cum causam. al. 3.* quia de supradictis, nudè assertere, potius judicare est, quam testificari; quod ad testem non pertinet: similiter ut probatione facta per unum testem deferatur jurementum suppletorium probationis, oportet quod ille testis etiam non rogatus reddiderit causam dicti sui, alias non facilis miplenam probationem.

7. Examine testium ex parte actoris producentis ita peracto, admitti vicissim debet adversarius, aut reus ad probationem objectorū, id est, eorum, quæ in personas testium objecerit: & si ad hæc objecta probanda aliquos testes produxerit, permittitur etiam vicissim actori hos testes ad fidem eorum enervandam, vel minuendam per alios testes reprobare. Ulterius

terius verò testium reprobatio permissa non est, juxta vetus & vulgatum, testes probatorios, & reprobatorios probatoriorum reprobare licere, sed non reprobatorios reprobatoriorum. *cap. dilect. h. t.* ne ita litigatores in vicissitudine probationum & reprobationum in infinitum progrediantur, ac lites protrahant.

8. His ita peractis litigantes in sua præsentia constitutos interrogabit, an plures testes producere velint: & si dixerint se velle, audientur. *cap. venisse: 28. h. t. admit-*
tiq; debebit secunda & tertia productio,
non autem quarta cap. in causa 15. h. t. nisi
quartò producere petens juret se petere
non dolo, sed quia eorum, quos nūc pro-
ducere intēdit, copiam prius habere non
potuerit. cap. ultra pen. h. t. quia effrænata
multitudo testium à Judice refrænanda
est. cap. significaverunt 36. h. t. unde etiam
multitudo testium 40. numerum super
iisdem articulis excedere non potest. cap.
causam. 3.6. h. t: Si verò negaverint se velle
plures testes producere, & ulteriori pro-
ductioni renunciaverint potentib' utrin-
que litigatoribus, vel altero absente, ci-

K' 3 tato

tato tamen & contumace, Judex testimoniū dicta, & attestations publicabit, interloquendo hoc vel simili modo. Dicta testimoniū in hac causa publicamus, eaq[ue] pro publicatione apertis haberi volumus, facietq[ue] copiam patibus, ut eas examinare possint intra competentem terminum, quatenus pro se vel contra se faciant cap. in causis 15. b. tit. dispicere quid aduersus testes contrarie productos scripto postmodum objicerē possint, veluti quod obscurè, & confusè deposuerint, ut ex eorū dictis veritas eiusdem non possit. cap. cum clamor: 53. b.t. ad eū que obscurè dictum pro non dicto habetur. L. de etate. §. nihil interest. ff. de interrog: act. quod item in depositionibus lib. contrariantur, contra jam ad L. 2. ff. lib. vel quod sint singulares, qui regulariter nihil probant. cap. nihilominus jun: Gl: in qu. 9. vel quod testimonia laborent nisi falsitatis: ac proinde in totum reprobri debeat. Gl: in Can: ad scripturas dist. Porrò publicatione attestationum factum nulli alii testes produci queunt, sive eadem, sive in diversa instantia super eadem vel contrariis articulis. Cap: fratres

tati. 17. h. tit. Covar:pract: q. cap: 16. nu-
mer: 6. idque ob metum subornationis
testium: quamvis loquendo de publica-
tione hac, ea non sit de substantia pro-
cessus secundum communem sent. Gail:
lib: 1. observ: 105. num: 5.

9. Sed quid si testes legitimè ad feren-
dum testimonium citati comparere no-
lint, vel odio, vel timore, aut alia simili
de causa etiam præsentes testificari renu-
ant, an cogi poterunt? Respondeo compel-
li posse utroq; jure toto h. t. L. si quando.
cum Auth. seq: C. de testib: secundum fori
qualitatem, idq; vel captis pignoribus, vel
mulcta, vel per censuras. cap. 1. 2. & 5. h.
tit. Et quidem in causis non tantum civi-
libus cap: 1. 2. 6. & 7. h. t. sed etiam in cri-
minalibus, per cap. pervenit 4. & 5. cap. su-
per his cap. cum contra h. tit: etiamsi si quis
in testem vocatus jurasset se non testifica-
turum cit: cap. pervenit. quia cum tale
juramentum sit contra bonos mores,
(quatenus Reipublicæ perniciosum, pri-
vatis damnosum, si rei veritas occultetur)
non est obligatorium, ut constat ex cap: non
est obligatorium. de R: I. in 6. Dixi in te-

Item vocat⁹, quia extra eum casum jurans se non revelaturum secreta, si contraficiat perjurus efficitur. *Gail cit: obs: 100.* Neque obstat *cap. 3. h. t.* quia cum dicit testem monendum esse, & non urgendum transferendum testimonium, vult solūm non esse urgendum statim à principio, sed prius monendum, quia monitio præcedere debet coactionem. *cap. 1. h. t.* non autem prohibit quo minùs cogatur, si non proreat, *Gl. ibid:* Non etiā obstat *cap: 100. t.* quia ibi agitur de criminibus, quæ ipsi testibus objiciuntur, ut refert *Host: insum: t. n. 2.* Cæterūm non desunt, qui adferendum testimonium cogi non possunt, ut in primis Confessarii, quia illa non ut homo, sed ut Christi Vicarius scire intelliguntur. Præterea excipiuntur complures personæ, quæ enumerantur partim in *L. inviti 19. ff. de testib:* ut senes, valetudinarii, milites, qui cum Magistratu Reipublicæ causa absunt, vel quibus venire non licet partim in *can: si testes* §. item in lege *Jul: 4. q. 3.* inter quos sunt cognati, & agnati non quidem omnes, qui à latere se contingunt, & nullo communi potestatis p-

tria vinculo tenentur: hi enim licet possint esse testes; non tamē adhuc cogi possunt, usq; ad septimum gradum, ut colligitur ex *citata L. 4.* nisi defectu testium aliqunde veritas haberi non possit: quia tunc favore eruendæ veritatis meritò cessant eorum privilegia propter publicam utilitatem *cap. 1. h. t.* adeò, ut in Clericis quoq; receptum sit, ut licet ad testificandum in causis laicorum compelli nequeant, tamen deficientibus probationibus aliqunde, cessante eorum prærogativa coram suo Judice Ecclesiastico testificari debent. *Can: quanquam junc. Gl: 14. q. 2. vel etiam coram seculari cum Superioris licentia tamen Gail: obs: 100. n. 15.*

TITULUS. XIII.

DEFIDE INSTRUMENTORVM.

C A S U S.

Rvdolphus Austriacus Noribergæ
quendam Hospitem seu diversi-
torem ab Advena accusatum, quod
depositas apud se ducentas argenti
marcas negaret, inter primarios Ur-

K 5 . bis